

ԱՐՄԵՆ ԱՐՏԵՄԻ ՄՈՒՐՎԱԼՅԱՆ

Մանր ու երկարատև հիվանդությունից հետո վախճանվեց ՀՍՍՀ ԳԱ Հր. Աճառյանի անվան լեզվի ինստիտուտի ավագ գիտաշխատակից, բանասիրական գիտությունների դոկտոր Արմեն Արտեմի Մուրվալյանը:

Մուրվալյանը ծնվել է 1910 թ. Վրաց. ՍՍՀ Սղնախի քաղաքում: Միջնակարգ կրթությունը ստանալով Թբիլիսիում, 1933—36 թթ. ընթացքում սովորում և հաջողությամբ ավարտում է Երեւանի պետական համալսարանի բանասիրական ֆակուլտետը, ապա ընդունվում Արմֆանի լեզվի և գրականության ինստիտուտի ասպիրանտուրան՝ «Վրացագիտություն» մասնագիտությամբ: Նրա «Քերականական կատեգորիաները հայոց Վրաց լեզուներում» թեկնածուական դիսերտացիան արդեն պատրաստ էր հրապարակային պաշտպանության, երբ սկսվեց Հայրենական մեծ պատերազմը:

1942 թ. Ղրիմի մարտերում ծանր վիրավորվելուց և հոսպիտալում ապաքինվելուց հետո Մուրվալյանը, որպես հայրենական պատերազմի երկրորդ կարգի հաշմանդամ, զորացրվում է բանակից, 1943 թ. հաջողությամբ պաշտպանում թեկնածուական դիսերտացիան և աշխատանքի անցնում ՀՍՍՀ ԳԱ լեզվի ինստիտուտում: Այդ տարիներին նրա հետաքրքրության կենտրոնում էին հատկապես՝ հայոց և վրաց լեզուների համադրական և համեմատական ուսումնասիրության հարցերը: «Հայոց և վրաց լեզուների ընդհանրությունները» դիսերտացիայի պաշտպանությամբ 1948 թ. նրան շնորհվում է բանասիրական գիտությունների դոկտորի գիտական աստիճան: Սակայն Մուրվալյանի գիտական գործունեությունը ավելի լայն ասպարեզ է ստանում 50-ական թվականներին, երբ նա ամբողջովին նվիրվում է հայերենի բառապաշարի, նրա քերականական կառուցվածքի հարցերի ուսումնասիրությանը: Այս տեսակետից հատկապես արժեքավոր են նրա «Հայոց լեզվի բառային կազմը» (1955 թ.) և «Հայոց լեզվի դարձվածաբանությունը և բայականությունը» (1959 թ.) մենագրական աշխատությունները:

Մուրվալյանը հաջողությամբ զբաղվում էր նաև բառարանագրությամբ: Չնայած իր վատաւողջ վիճակին, ժամանակին ավարտեց և խմբագրության հանձնեց հայերեն բացատրական բառարանի իրեն անձնարարված բաժինը և շարունակում էր աշխատել վրացերեն-հայերեն բառարանի վրա:

Աշխատասեր, գիտության սեխոնջ մշակ, իր ամբողջ կույրությամբ նվիրված միայն մի նպատակի՝ սրբությամբ ծառայել հայրենական գիտությանը՝ այսպիսին էր Արմեն Մուրվալյանը և այդպիսին էլ կմնա բոլորիս հիշողության մեջ:

ՀՍՍՀ ԳԱ ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐԻ ԲԱԺԱՆՄՈՒՆՔ

ՀՍՍՀ ԳԱ ՀՐ. ԱՃԱՌՅԱՆԻ ԱՆՎԱՆ ԼԵԶՎԻ ԻՆՍՏԻՏՈՒՏ